

**TEZAUUR LITURGIC**  
**11/24 SEPTEMBRIE**

**ACATISTUL**  
**SF. CUVIOS**  
**SILUAN**  
**ATHONITUL**



**MOSCOVA, 2000**



# Акафист

святому преподобному

Силуану, Афонскому

чудотворцу

---

## Кондак 1

Избранный подвижниче и земный ангеле Христов, всеблаженне отче Силуане! В непрестанном бдении, посте и смирении отцев афонских преизрядный подражателю, жаждою по Бозе и горением любви к Немю благодать обильную души твоей стяжал еси, всеблаженне. Христу подражая, за томящихся во аде, живых и грядущих, молитвою слезною сраспинался еси. Сицевья любви твоея не лишь и нас, во юдоли греховней твоего представительства пред Богом просящих и умильно зовущих:

Радуйся, отче Силуане, в молитве за мир горение любви неугасающее.

## И́кос 1

А́нгелов Творе́ц и Госпо́дь Си́л из чре́ва ма́тере твоея́ предызбра́ тя и, по глаго́лу Псалмопе́вца, се́рдце́ глубоко́ дарова́ ти, богоно́сне о́тче Си́луа́не, да я́ко в черто́зе преизрядне́м, вмести́ши невместимое́ и́мя Бо́га Вы́шняго и си́лою Бо́жиею и Бо́жиею Пре́мудростию́ жити́ю а́нгельскому́ всеусе́рдно послéдуеши. Мы́ же, похваля́юще чу́дный по́двиг земных́ трудо́в твои́х, благоговéйно зове́м ти́:

Ра́дуйся, роди́телей благочестивых́ пло́де целому́дренныя́ чистоты́;

ра́дуйся, благово́нное цветéние их́ по́двига ве́ры, неувяда́емья красоты́.

Ра́дуйся, благочестие́ роди́телей твои́х душе́вне возлюбивый́;

ра́дуйся, целому́дрию́ и боголю́бию́ их́ уподо́битися благоволивый́.

Ра́дуйся, измла́да ра́дости в Бо́зе иска́ти дивно́ умудривый́ся;

ра́дуйся, а́ки елeнь, к исто́чнику́ благода́ти Бо́жия устремивый́ся.

Ра́дуйся, сло́вом Бо́жиим, а́ки сла́дким ме́дом, ра́зум ю́ности твоея́ усладивый́;

ра́дуйся, се́рдце твоё во́ле Бо́жией всеце́ло покоривый.

Ра́дуйся, о́тче Силу́ане, в моли́тве за ми́р горéние любве́ неугаса́ющее.

## **Конда́к 2**

Ви́де тя́ Преблагословéнная Богоро́дица в пучи́не грехо́вней погружа́ема, егда́ сла́дость грехо́вная, áки зми́й злосмра́дный, вни́де во утробу́ юности́ твоея́, Ма́терски скорбя́щи, дивно́ воззва́ ти: ча́до, неудобно́ Ми́ е́сть ви́дети тя́ во грехо́внем дéлании оскверня́ющася. Ю́же состра́ждущу о твоём грехопадéнии уразумéв, зми́я грехо́внаго мужемудренно́ изры́гнул еси́, пока́нием и моли́твою то́го побежда́я, любя́щему же на́с Го́споду вы́ну воспева́я о Пречи́стей Ма́тери Его́ благодарную́ пéснь: Аллилу́ия.

## **И́кос 2**

Ра́зум божéственный осени́ тя́, егда́ глас Ма́тере Го́спода Си́л услы́шати сподо́бился еси́, избранны́че Бо́жий Силу́ане, и благода́ть Свята́го Ду́ха испóлни се́рдце твоё. То́я же дéйствием, áки се́рна от тенéт, в вертогра́д дивно́ призва́вша́ тя́ Бо́жия Ма́тере, Го́ру Афóнскую, от мирски́я суetý устреми́лся еси́, во éже

прилепѣтисѧ Бѣгу сынолюбне. Мы же, видяще чудное изволеніе о тебѣ міра Владычицы, умильно зовѣм ти:

Радуйся, от мрака греховнаго к свѣту истины Христовы Самою Пречистою призванный;

радуйся, быти верный делатель Ея земнаго вертограда дивно избранный.

Радуйся, земли Россійския грозде сладкотечный, на Горѣ Афонстей изобильно прозревый;

радуйся, совесте недремлющая, покаянною молитвою жало греховное притупившая.

Радуйся, во свѣте Пантелеимоновой обители ангельски Бѣгу послуживый;

радуйся, в трудѣ, постѣ и безмолвии врага, борющаго тя, славно покоривый.

Радуйся, вся козни диавола смиренномудренно поправый;

радуйся, жаждею по Бѣзе веру непорочную славне стяжавый.

Радуйся, отче Силуане, в молитве за мир горение любви неугасающее.

### Кондак 3

Сила Вышняго воистинну храняше тя, егда дух ада и смерти претяше ти и душу твою прельщеньми греховными обуреваше, боголюбиве отче Силуане. Изнемогаяй же, Бога неумолима помыслил еси быти; тогда Человеколюбец Господь, в неизреченном Фаворстем блистании, тя посети и огнем благодати Святаго Духа укрепил тя, всеблаженне. Ты же, аки Павел, новое рождение восприяв, со страхом и радостью зывал еси Богу: Аллилуия.

### Икос 3

Имея богатство благодати, во еже духом на Небеса возведена быти и тамо неизреченныя глаголы слышати, воистинну, радости тоя кто исповесть, отче преблаженне Силуане. Егда бо, вне образов мира, в созерцании Божества доброты несказанныя, безмерно любящаго и всепрощающаго Христа Бога лице видети сподобился еси, неизреченныя любви Божия преисполнился еси. Мы же, чудящися твоему неизглаголанному Боговидению, вопием:

Радуйся, в подвиге веры Христова посещения и утешения сподобивыйся;

ра́дуйся, добро́ту неизрече́нныя сла́вы Его́  
лицезре́ти удо́стоивыйся.

Ра́дуйся, в Еде́м Небе́сный дивны́я красото́  
Ду́хом Святы́м возведе́нный;

ра́дуйся, та́мо благода́тными да́ры Свята́го  
Уте́шителя Ду́ха преизоби́льно напоённый.

Ра́дуйся, прича́стниче неизрече́нныя райския  
красото́;

ра́дуйся, Бо́гом возлю́бленный и́м  
облагода́тствованный щедро́тами Небе́сных  
добро́ты.

Ра́дуйся, то́я благода́ти все́му́ челове́чу ро́ду  
приле́жно хода́тайствуяй;

ра́дуйся, я́ко стра́ж недрёмляй, к у́тру жи́зни  
вече́нныя на́с пробужда́яй.

Ра́дуйся, о́тче Силуа́не, в моли́тве за ми́р  
горе́ние любве́ неугаса́ющее.

#### **Конда́к 4**

Бу́рю лю́тых искуше́ний воздви́же на тя́  
человекоуби́йца диа́вол, искони́ иский  
пра́ведных погуби́ти, но ты́, о́тче Силуа́не, Ду́хом  
Святы́м наста́вляемый держа́ ти у́м тво́й во а́де  
и не отчаява́тися, в непреста́нном бде́нии и  
смирёнии ко́зни диа́вола предваря́, того́

победил еси. Он же, тобою посрамленный, не обинуясь, рече ти, яко лжец есть. И тако от сетей врага душу твою, аки голубицу кроткую, Богу соблюл еси, непрестанно воспевая Ему: Аллилуия.

#### Икос 4

Слышаще о тебе, яко дивно от мирския суеты к иноческому подвигу призван бысть и благодатию Божиею добр плод твориши, преподобне, не токмо младии иноцы, но и старцы, в подвиге zelo искуснии, к тебе притекаху, и, аки медом, дела и словеса твоими услаждахуся, и тако равноангельскаго жития достигающе, Господу уподобляхуся. Мы же, видяще тя смиренномудрием украшена, с радостию зовем ти:

Радуйся, смиренномудрия и целомудрия кладязю неисчерпаемый;

радуйся, земнаго Едема крине благоуханный и неувядаемый.

Радуйся, благое иго Христово в подвиге твоём с любовью носивый;

радуйся, ум твой, сердце и волю в Бозе молитвою утвердивый.

Ра́дуйся, чистоты́ душе́вныя и телесныя  
хранителю усердный;

ра́дуйся, непреста́нною моли́твою на высоту́  
безстра́стия возше́дый.

Ра́дуйся, святооте́ческим пра́вилом  
усерднейший подража́телю;

ра́дуйся, Небе́снаго Оте́чества и любви́ Бо́жия  
к нам непрестая́й глаша́таю.

Ра́дуйся, о́тче Силуа́не, в моли́тве за ми́р  
горе́ние любви́ неугаса́ющее.

### **Конда́к 5**

Звездú, пу́ть указу́ющую и ум  
просвеща́ющую, Божество́нную благода́ть,  
дарова́ ти Господь, боголюбиве о́тче Силуа́не, и  
тою, а́ки проро́ка Илию́ у пото́ка Хора́фа, на  
спаси́тельный по́двиг укрепля́ше тя. Ты́ же,  
дивно пита́емый от неиздива́емых сокрови́щ  
Ду́ха Свята́го, в юности́ и престаре́нии, от  
стра́жи у́тренняя до но́щи, в моли́твах за всю́  
вселенну́ю, а́ки свирель́ сладкопес́енная,  
непреста́нно взыва́л еси́ Бо́гу: Аллилу́ия.

### **И́кос 5**

Ви́дим тя, о преблаже́нне о́тче Силуа́не, в  
по́двиге бла́зем, а́ки младе́нец млека́ ма́тере,

любвѣ Божия ищуща, и к Тому любовьию пламенеюща, и слезно взывающа: помяну душа моя любовь Господню, и согреяся сердце мое: кто бо даст ми толикий жар, еже не знати ми покоя во дни, ниже в нощи от любвѣ Божия? Сего ради содрагаемся сердцем и умиляемся душею о толиком горении любвѣ твоея ко Всещедрому Богу и умильно зовем ти:

Радуйся, паче сладка меда неутолимо правды Божия жаждай;

радуйся, в любви твоей ко Господу Ангелом подражаяй.

Радуйся, возносяй кадило молитвы чистыя, аки пламень огненный;

радуйся, красотою ангельскаго благоговения украсивый горняя и дольняя.

Радуйся, яко огню купины несгораемыя сердце твое уподобляшеса;

радуйся, яко рuce твой, аки Моисеове за народ избранный, о всех пред Господем простирастася.

Радуйся, ты бо возлюбил еси возжелати судьбы Божия на всякое время и зыскал еси оправданий Его;

ра́дуйся, я́ко непреста́нно Е́му́ взыва́л еси́: спаси́, Бо́же, лю́ди Твоя́ и благослови́ досто́яние Твое́.

Ра́дуйся, о́тче Силуа́не, в моли́тве за ми́р горéние любве́ неугаса́ющее.

### **Конда́к 6**

Пропове́дник немол́чен безмол́вия яви́лся еси́, уго́днике Бо́жий, егда́ Человеколю́бец Госпо́дь восхоте́ в любви́ испытати́ тя́ и посещéния Всесвята́го Ду́ха лиши́ ты́. Ты́ же, уразуме́в себе́ лишéна Того́ благода́ти, а́ки Ада́м лишéния Ра́я рыда́ше, се́рдцем сокруше́нным слéзно взыва́л еси́: Госпо́ди! Ты́ пре́жде взыска́л еси́ мя́ и да́л ми́ еси́ насладити́ся Ду́хом Твои́м Святы́м, и душа́ моя́ возлюби́ Тя́. Ны́не же тужит душа́ моя́ по Тебе́. Си́це рыда́я, о́баче на милосе́рдие Бо́жие упова́я, взыва́л еси́ Е́му́: Аллилу́ия.

### **И́кос 6**

Воссия́л еси́, боголюбиве о́тче Силуа́не, я́ко но́вый Тайновидец, отне́лиже смире́нием и моли́твою со слеза́ми благода́ть Свята́го Ду́ха па́ки стяжа́л еси́, от нея́же любве́ неизрече́нныя преиспо́лнися се́рдце твоё. Ты́ же, уразуме́в благода́ти се́я си́лу, дерзнове́нием Илии́ным воззва́л еси́: Госпо́ди! Не то́кмо мне́, все́му ми́ру

да́руй позна́ти лю́бовь Твою́ и спасти́ся. Мы́ же, иму́ще тя моли́твенника пред Бо́гом неусы́пна, со умиле́нием зове́м ти́:

Ра́дуйся, я́ко моли́твенным сраспина́нием за умер́ших, живы́х и гряду́щих бы́л еси́ не́бо отве́рстое;

ра́дуйся, я́ко сицево́ю лю́бовию исхода́тайствовал еси́ ду́ши твоёй Ца́рство Небе́сное.

Ра́дуйся, чистоты́ ве́ры и беззло́бия дивное воплоще́ние;

ра́дуйся, грехопаде́нием бли́жних твои́х стяжа́вый Христо́во всепро́щение.

Ра́дуйся, дивна́го святи́лища ми́ра уго́дником Бо́жиим ве́рный сподви́жнице;

ра́дуйся, Преблагослове́нная Игу́мени Афóна ве́рный послу́шнице и даро́в Свята́го Ду́ха вме́стителище.

Ра́дуйся, То́я вертогра́да тру́днице неусы́пный, в по́двизе изнемога́ющих укрепля́й;

ра́дуйся, Горы́ Афóнския свире́ль сладкопéсненная, о гряду́щей жи́зни возвеща́ющая.

Ра́дуйся, о́тче Силуа́не, в моли́тве за ми́р  
горе́ние любве́ неугаса́ющее.

### **Конда́к 7**

Хотя́ Чело́веколюбе́ц Госпо́дь яви́ти в тебе́  
но́вое благосве́тлое свети́ло, преподо́бне о́тче  
Силуа́не, я́ко ве́твь ма́сличную, от ко́рене земли́  
Росси́йския, в пусты́ни Афóнстей насади́, и,  
Ду́ха Свята́го благода́тию ороша́я, многопло́дна  
тя сотвори́: де́лы бо и словесы́ твоими́, а́ки елее́м  
животво́рным, чистоте́ и целому́дрию,  
благоче́стию и братолю́бию все́х наставля́л еси́.  
Они́ же, сою́зом любве́ связу́еми, покаря́юще  
ху́ждшее лу́чшему, воспева́ху Бо́гу: Аллилу́ия.

### **И́кос 7**

Но́ваго пустынножи́телем сподви́жника,  
мона́хом и мирски́м наста́вника и учи́теля яви́  
тя Госпо́дь, преблаже́нне Силуа́не. Ты́ бо, ещѐ в  
ми́ре жив, не́коего во́ина, о грехопаде́нии жены́  
своея́ соблазни́вшагося и во гне́ве яря́щаяся,  
Христо́ву всепро́щению научи́л еси́, и си́м  
та́инство бра́ка, ма́лая це́рковь, от разруше́ния  
сохрани́ся; ино́ков же, в уны́ние впа́дших, к  
стяжа́нию душе́внаго ми́ра призыва́я и стра́ху  
Бо́жию наставля́я, к пока́нию приводи́л еси́, и  
та́ко рая́ жителе́й бы́ти все́х приугово́лял еси́.

Вѣдуще ты́ тако о спасѣнии всѣх печáлящася,  
досто́дóжно с любóвию вопиѣм ти́:

Рáдуйся, пустыннолю́бцев в искáнии Бóга  
усѣрдный сподви́жнице;

ра́дуйся, братолю́бия приле́жный строителю и  
тѣплый о всѣх моли́твеннице.

Рáдуйся, на пути́ житѣ́йшем, в беда́х и  
напа́stech сопу́тнице вѣрный;

ра́дуйся, в болѣ́знях и печáлех и скор́бех  
душе́вных служи́телю нелицеме́рный.

Рáдуйся, вѣстни́че любве́ Бóжия, к  
прими́ренію с Бóгом и бли́жним сво́им всѣх  
призыва́я;

ра́дуйся, свидѣ́тельством, я́ко бла́г Госпо́дь,  
ду́ши, от греха́ изнемога́ющия, в наде́жди  
проще́ния подкре́пляя.

Рáдуйся, вѣрный подви́жнице земна́го Еде́ма,  
спасѣ́ние ми́ру слѣзно ходата́йствуя;

ра́дуйся, за всѣх нераска́янных грѣшников во  
а́д снѣти жела́я.

Рáдуйся, о́тче Силуáне, в моли́тве за ми́р  
горѣ́ние любве́ неугаса́ющее.

## Кондак 8

Стра́нное чу́до яви́ тебе́ Госпо́дь,  
преблаже́нне о́тче Силуа́не, егда́ ста́рца  
духовника́ Авраа́мيا преображе́нна во о́бразе  
своём, невырази́мо сия́юща, дивно́ ти показа́, и  
та́ко че́стне почита́ти та́инство покая́ния на́с  
наста́ви. Мы́ же, ви́дяще тя́, волю́ свою́, я́ко  
Са́мому Го́споду, духо́вному о́тцу́ своему́  
вверя́юща и та́ко смире́нием и покая́нием зла́я  
хотéния своя́ отсека́юща, во́ли Бо́жией, чре́з  
па́стырей Це́ркве Христо́вы, навча́емся  
уверя́тися и си́це, пре́жде исхода́ нашего́, гне́ва  
Бо́жия и Суда́ гряду́щаго избежа́ти, вопи́юще  
Триеди́ному Бо́гу: Аллилу́ия.

## И́кос 8

Все́м се́рдцем и душе́ю смире́ние Христо́во  
стяжа́вый, предивный угодни́че Бо́жий, и То́му,  
возлю́бленному, за ми́р сраспина́йся, слéзно  
взыва́л еси́: Сладча́йший Иису́се! Ты́ воскресил  
еси́ ду́шу мою́ любя́ти Тя́ и бли́жняго своего́.  
Да́руй ми́ убо́ источа́ти слéзы за всю́ вселенну́ю,  
да вси́ лю́дие позна́ют Тя́ и да насла́дятся ми́ром  
Твои́м и узря́т све́т лица́ Твоего́. Мы́ же, во  
гресе́х жити́е на́ше иждивши́и и тобо́ю  
спаса́еми, ублажа́ем тя́ си́це:

Ра́дуйся, Засту́пницы усер́дныя в моли́твах за  
ми́р сподви́жнице неутомимый;

ра́дуйся, яко Иере́мья, о наро́де пла́чай, Го́ру  
Святу́ю слеза́ми ороси́вый.

Ра́дуйся, предивный Афони́ский подви́жнице,  
всю́ вселе́нную моли́твою освяща́я;

ра́дуйся, яко о́тец чадолюбивый, за все́х во  
гресе́х погиба́ющих слезно́ пред Бо́гом  
хода́тайствуя.

Ра́дуйся, Христу́ Бо́гу возлюбленне угодниче,  
А́нгелом ра́дость и удиви́ение;

ра́дуйся, се́вера све́тлое сия́ние, в Афони́стей  
пусты́ни Святы́я Руси́ чи́стое отображе́ние.

Ра́дуйся, в смире́нии и послуша́нии яви́вый  
ми́ру о́браз а́нгельския краси́ты;

ра́дуйся, тепло́ю моли́твы твоея́ и на́с до́м  
Ду́ха Божества́наго хотя́й сотвори́ти.

Ра́дуйся, о́тче Силуа́не, в моли́тве за ми́р  
горе́ние любве́ неугаса́ющее.

### **Конда́к 9**

Все́ естество́ а́нгельское и подви́жников  
мно́жество удиви́шася смире́нию и  
человеколю́бию твоему́, о́тче на́ш Силуа́не, егда́

иконо́мства послуша́нием целому́дренному Иосифу во Египте уподо́бился еси́. И не то́кмо о бра́тии святы́я обители, но и о мирски́х де́лателях, та́мо труди́вшихся, я́ко о ча́дах Бо́жиих, попече́ние имевый, Бо́гу, любя́щему вся́кое Своё создáние, взыва́л еси́: Го́споди, послí Ду́ха Свята́го Твоего́ и утёши ско́рбныя ду́ши бедных люде́й сих. Та́ко бо во вся́ком послуша́нии смиренному́дрия красоту́ показу́я, непреста́нно взыва́л еси́ Бо́гу: Аллилу́ия.

### **И́кос 9**

Ветии́ многовещáннии не возмо́гут изрещи́ си́лу любве́ твоея́, предивне́ о́тче Силуáне, ты́ бо слéзно жа́ждал еси́ вся́ку вражду́ и нестро́ение в лю́дех угаси́ти и вся́ческая с Бо́гом прими́рити, взыва́я Влады́це ми́ра: Го́споди! Твои́м жа́жду бы́ти и с Тобо́ю за всю́ вселенну́ю сораспя́тися, да вси́ спасе́ни бу́дут. К бра́тии же взыва́л еси́: ча́да, моли́тесь за враго́в свои́х, тии́ бо су́ть бра́тия ва́ша, жи́знь ва́ша, враг же ми́ра то́кмо диа́вол е́сть. Мы́ же, та́ко к братолю́бию и человеколю́бию тобо́ю наста́вляеми, зове́м ти́:

Ра́дуйся, добро́тою твоёю Христу́ на Голго́фе уподо́бивыйся;

ра́дуйся, не рука́ми бо, се́рдцем и душо́ю за  
враго́в свои́х сраспина́вься.

Ра́дуйся, о бли́жних пекийся и красоту́  
благодáтнаго безмо́лвия не утра́тивый;

ра́дуйся, любя́ бли́жних свои́х, силу́  
непреста́нныя моли́твы стяжа́вь.

Ра́дуйся, постом и моли́твою стрéлы лука́ваго  
до конца́ отрази́вь;

ра́дуйся, злоловéния и ухищре́ния диа́вола  
препобежда́ти нас научи́вь.

Ра́дуйся, в ме́льнице Христо́ве плóть трудо́м  
изнуря́я, áки хлéбом свяще́нным, се́рдце  
моли́твою услажда́вь;

ра́дуйся, де́лателей вертогра́да Цари́цы  
Небе́сныя хлéбом насущным изобильно пита́вь.

Ра́дуйся, óтче Силуáне, в моли́тве за мир  
горéние любве́ неугаса́ющее.

### **Конда́к 10**

Спасéния души́ твоея́ ища́ и Христу́  
Сладча́йшему прилепíтся жела́я, от земли́ о́тец  
твои́х на Го́ру Святу́ю смире́нне прите́кл еси́,  
иде́же в воздержáнии и безмо́лвии, трудолю́бии  
и человеколю́бии равноа́нгельную красоту́  
стяжа́л еси́, всеблаже́нне. И тако́

преблагословѣннаго ўтра, егда всі  
пустыннолюбцы обителей Афѳонских  
полунощную пѣснь Творцу воспеваху, благія  
кончины достигла еси и душу твою,  
Животворящим Тѣлом и Крѳвию Господнею  
напитанную, в Божѣственной руке Того предал  
еси, во еже непрестанно со всеми святыми  
воспевати святых Святѣйшему Слову: Аллилуія.

### Икос 10

Царя Небѣснаго, Егѳже славословят Херувими  
и Серафими и святых собѳри, житиѣм, вѣрою и  
любовию всеусѣрднейший служитель был еси,  
преподобне, и, яко крин благоуханный, со всеми  
избранники Пречистыя Богородицы, у Престола  
Всесвятыя Троицы предстал еси. Буди же,  
всеблаженне, о благодѣнственном миѣре земли  
отец твоих усѣрдный пред Богом ходатай, о  
Цѣркви же Святѣй ангел неусыпныя молитвы и  
теплый предстатель, да тобою от бѣд  
избавляеми, благодарне зовѣм ти:

Радуйся, ангеле земли Россійския, на Святѣй  
Горѣ преизрядно потрудивыйся;

радуйся, молитвенниче теплейший, у  
Престола Бѳжия за нас любовию сораспныйся.

Ра́дуйся, о лю́дех земли́ отце́в твои́х усердны́й  
пред Бо́гом ходатаю́;

ра́дуйся, бра́тии Афóнского вертогра́да, в  
по́двизе изнемога́ющим, ско́рый предста́телю.

Ра́дуйся, я́звы Го́спода твоего́ на теле́ твоём  
безро́потно носивы́й;

ра́дуйся, ду́шу твою́, пока́янными слеза́ми  
убеле́ну, чи́сту Тому́ вве́ривы́й.

Ра́дуйся, ве́рный де́лателью виногра́да  
Христо́ва, к Го́рнему Сиóну Го́сподем  
призва́нный;

ра́дуйся, я́ко та́мо собеседу́еши со свята́ми и  
А́нгелы, сла́вою и че́стию увенча́нный.

Ра́дуйся, о́тче Силу́ане, в моли́тве за ми́р  
горе́ние любве́ неугаса́ющее.

### **Конда́к 11**

Пе́снь благохва́льную прино́сим ти́, уго́днице  
Бо́жий, о́тче Силу́ане, горе́нием бо любве́ ко  
Го́споду, за спасе́ние ми́ра взалка́вшему и  
смире́нием Свои́м диа́вола посрамив́шему,  
ве́рно последу́я, пусты́ню Афóнскую моли́твою  
чи́стою облагоуха́л еси́, о́браз равноа́нгельнаго  
жития́, многопло́дными да́ры Свята́го Ду́ха  
украше́нный, благода́тно на́м показу́я. Си́це бо

Го́ру Святу́ю рае́ви уподо́бляя, врага́ посрами́л еси́, души́ же тво́ей Ца́рствие Небе́сное стяжа́л еси́, подвиза́я и на́с любо́вию к Бо́гу прилепля́тися, вопи́юще Ему́: Аллилу́ия.

## И́кос 11

Светопода́тельного Свѣта и благода́ти Свята́го Ду́ха носителя́ в жити́и, и по сме́рти все́му ми́ру яви́ тя Госпо́дь во дне́х на́ших, преподо́бне, во е́же взира́юще на́ тя, нетле́нною красо́тою земны́х по́двигов блиста́юща и херувимски́ у Престо́ла Бо́жия за на́с моли́твы творя́ща, в наде́жди на́шего спасе́ния уверя́тися и благона́вному жити́ю всеусе́рднейше послѣдовати, во́лю же свою́ любви́ Бо́жией сла́дце покорим, тако́жде и в телесе́х и душа́х на́ших прославление́ и́мене лю́бящаго на́с Го́спода да утверди́тся. Те́мже, тобо́ю в ве́ре укрепля́еми, с любо́вию зове́м ти́:

Ра́дуйся, по́двигом жи́зни благона́вныя в любви́ к Бо́гу на́с укрепля́яй;

ра́дуйся, усе́рдный обли́чителю злонра́вия, та́инства и пра́вила ве́ры Правосла́вныя храни́ти на́с наста́вляяй.

Ра́дуйся, пустынножи́тельством Петро́у  
Афо́нскому в посте́ и безмо́лвии приле́жно  
ревнова́вый;

ра́дуйся, попече́нием о благона́равии  
иночествующих а́вве Афанасию ве́рно  
подража́вый.

Ра́дуйся, но́вый свети́льниче ве́ры, во дни́  
на́ша ве́рный пу́ть к Бо́гу указу́яй;

ра́дуйся, о неоскуде́нии благода́ти Свята́го  
Ду́ха в Це́ркви Правосла́вней все́м дивно́  
свидете́льствуяй.

Ра́дуйся, ве́рный ра́бе Христо́в, досто́йно у  
Престо́ла сла́вы Его́ предсто́яй;

ра́дуйся, благия́ кончи́ны и до́браго отве́та на  
Стра́шнем Суди́щи Христо́ве на́м усер́дно  
прося́й.

Ра́дуйся, о́тче Силуа́не, в моли́тве за ми́р  
горе́ние любве́ неугаса́ющее.

## Конда́к 12

Благода́ти неисповеди́мую си́лу излия́ на тя́  
Христо́с Бо́г на́ш, преподо́бне, во е́же на  
Небесе́х, иде́же все́ живёт и дви́жется в радости́  
Ду́ха Свята́го, явити́ тя́ в лице́ Афо́нских  
подви́жников, со все́ми святы́ми о все́х

земнородных молитвы творяща. Тако вѣдуще ты, молимся: пролий, о всеблаженне, теплую молитву ко Господу, да милосердовав, Церковь Свою Святую, во спасение наше, во веки утвердит, пустыннолюбцев земнаго Едема всячески сохранит и укрепит, да во веки славословится имя Божие от земных и Небесных, поющих: Аллилуия.

### **Икос 12**

Поюще преславную память твою, богоносне отче Силуане, достойно ублажаем болезни и труды твоя, яже во бдении и пощении со всеми избранными Божия Матере всеусердне понесл еси. Кто бо изочтет труды и воздыхания ваша, в молитвах за мир слезно приносимыя, имиже Господь гнев Свой, грехов ради наших, на милование преложи и человеколюбием Своим клятву, еюже клятса, о еже Церкви Святѣй до скончания века утвержденней быти, не разори. Мы же, благодарни суще сицевому представительству твоему, умильно зовем ти:

Радуйся, водительство Святаго Духа усердный последователю;

радуйся, Христа, благи и Премудрости Божия, телесными очима лицезрителю.

Ра́дуйся, Христо́в смире́нный подви́жнице,  
Ма́тере Бо́жия пред все́ми Небе́сными и  
земны́ми ра́дость и похва́ление;

ра́дуйся, неусы́пный о ми́ре моли́твенниче,  
на́шего спасе́ния наде́ждо и утеше́ние.

Ра́дуйся, насле́днице Ца́рствия Христо́ва,  
по́двигом свои́м Го́ру Афóнскую украси́вый;

ра́дуйся, на́шего спасе́ния ве́рный  
сподви́жнице, пу́ть, веду́щий к Бо́гу, на́м  
освяти́вый.

Ра́дуйся, златоко́ванная трубо́, со все́ми  
святы́ми и А́нгелы сла́ву Бо́жию возвеща́ющая;

ра́дуйся, венце́м безсме́ртia Бо́гом  
увенча́нный, в моли́твах свои́х на́с не оставля́й.

Ра́дуйся, о́тче Силуа́не, в моли́тве за ми́р  
горе́ние любве́ неугаса́ющее.

### **Конда́к 13**

О предивный уго́днице Бо́жий Силуа́не, земли́  
Росси́йския благода́тное рождéние,  
пустыннолю́бцев Го́ры Афóнския похва́ло и  
украше́ние! Приими́ от на́с ма́лое сиé моле́ние и  
испроси́ у Распе́ншагося за ми́р Христа́ Бо́га  
на́шего, да поми́лует все́х на́с, ча́д Свои́х, и  
благода́тию Свята́го Ду́ха в сою́з любве́ Своея́

свѣжет нас, и ѿмиже вѣсть судьбами, к Себѣ приведет, во еже твоими молитвами непостыдно явитися нам в день Судный пред лицем славы Его и сподобитися со всеми святыми и ангелы воспевати побѣдную пѣснь: Аллилуія.

Этот кондак читается трижды, затем 1-й ѿкос и 1-й кондак.

### Молитва

О предивный угодниче Божий, отче Силуане! По благодати, тебѣ от Бога данней, слезно молиться о всей вселенной, мертвых, живых и грядущих, не премолчи за нас ко Господу, к тебѣ усердно припадающих и твоего предстательства умильно просящих. Подвигни, о всеблаженне, на молитву Усердную Заступницу рода христианскаго, Препоблагословенную Богородицу и Приснодеву Марию, чудно призвавшую тя быти верна делателя в Ея земнем вертограде, идеже избранницы Божии о гресех наших милостива и долготерпелива быти Бога умоляют, во еже не помянути неправд и беззаконий наших, но, по неизреченней благодати Господа нашего Иисуса Христа, ущедрити и спасти нас по велицей Его милости.

Ей, уго́днице Бо́жий, с Преблагослове́нною Влады́чицею ми́ра, Святе́йшею Игу́мениею, и святы́ми подви́жниками Ея́ земна́го жре́биа, испроси́ у святы́х Святе́йшаго Сло́ва Святе́й Горé Афóнстей и боголю́бвым пустынножи́телем ея́ от все́х бе́д и наве́тов вра́жиих в ми́ре сохра́нитися, да а́нгелы святы́ми от зóл избавля́еми и Ду́хом Святы́м в ве́ре и братолю́бии укрепля́еми, до сконча́ния ве́ка о Еди́ней, Святе́й, Собóрней и Апóстольстей Цéркви моли́твы творя́т и все́м спаси́тельный пу́ть указу́ют, да Цéрковь земна́я и Небе́сная непреста́нно славосло́вит Творца́ и Отца́ Све́тов, просвеща́ющи и освяща́ющи ми́р в ве́чной пра́вде и бла́гости Бо́жией.

Нарóдом все́го ми́ра испроси́ благоде́нственнаго и ми́рнаго жити́я, ду́х смиренному́дрия и братолю́бия, добронра́вия и спасéния, ду́х стра́ха Бо́жия, да не зло́ба и беззакóние ожесточа́ют сердца́ людска́я, жела́юще истреби́ти любóвь Бо́жию в челове́цах и низве́ргнути их в богопротíвныя вражду́ и братоуби́йства, но в си́ле Божéственныя любве́ и пра́вды, якоже на Небеси́, и на земли́, да святи́тся и́мя Бо́жие, да бу́дет во́ля Его́ святая́ в

челове́цех и да воцаря́тся мир и Ца́рствие Бо́жие на землі.

Та́кожде и земно́му оте́честву тво́ему, землі Росси́стей, испроси́, уго́днице Бо́жий, вожде́ннаго ми́ра и Небе́снаго благослове́ния, во е́же, всемо́щным омофо́ром Ма́тере Бо́жия покрыва́емому, изба́виться е́му от гла́да, губи́тельства, тру́са, огня́, меча́, наше́ствия инопле́мёнников и междоусо́бныя бра́ни и от все́х враг ви́димых и неви́димых, и та́ко же бы́ти е́му до сконча́ния ве́ка святе́йшему до́му Преблагослове́нная Богоро́дицы, Креста́ Животворя́щаго си́лою, и в любви́ Бо́жией неоскудева́емому утверди́тися.

На́м же все́м, во тьму́ грехо́в погружа́емым, и пока́яния те́пла, ниже́ стра́ха Бо́жия не иму́щим, и си́це безме́рно любя́щаго на́с Го́спода непреста́нно оскорбля́ющим, испроси́, о всеблаже́нне, у Всеще́драго Бо́га на́шего, да Своёю́ всеси́льною благода́тию Боже́ственне посети́т и оживотвори́т ду́ши на́ша и вся́ку зло́бу и го́рдость жите́йскую, уны́ние и нераде́ние в сердца́х на́ших да упраздни́т.

Еще́ мо́лимся, о е́же и на́м, благода́тию Всесвята́го Ду́ха укрепля́емым и любóвию

Бо́жиею согрева́емым, в человеколю́бии и братолю́бии, смиренному́дрии и моли́твеннем сраспина́нии друг за друга и за все́х, в пра́вде Бо́жией утверди́ться, и в благода́тней любви́ Бо́жией благона́равно укрепи́ться, и сынолю́бне Тому́ прибли́житься. Да та́ко, творя́ще Его́ всесвяту́ю волю́, во вся́ком благоче́стии и чистоте́, вре́меннаго жити́я пу́ть непосты́дно пре́йдем и со все́ми святы́ми Небе́снаго Ца́рствия и Его́ А́гнчаго бра́ка сподо́бимся. Ему́же от все́х земных и Небе́сных да бу́дет сла́ва, че́сть и поклонéние, со Безнача́льным Его́ Отце́м, и Пресвяты́м, и Благим, и Животворя́щим Его́ Ду́хом, ны́не и при́сно, и во ве́ки веко́в. Ами́нь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НУЖЕ  
НЕБО**